

政畧二

知縣 佐貳師儒附

武陵縣

宋

劉龜年字且老祥符人淳熙間知武陵政寬法嚴民懷吏畏
時田多荒蕪肯耕者寡刀健侵漁夥吏為奸訴訟不止龜
年推究本始必得其情而予奪之訟為少息邑有潘仙翁
淫祠人咸惑焉龜年罪其首倡命尉杜師顏毀之以賦役
不均十年無所升降龜年始為改造版籍民無異詞部使

常德府志

卷三十五

政畧知縣

者以聞有旨記姓名中書以不屑請時相解官歸統志

林夢英字叔虎臨川人同郡陸象山年相若折節師事之登

淳熙進士歷官衡州法曹紹興元年改知武陵嚴賊奸宄

治民以寬創置武陵學校嘗誨諸生日今之士涉獵以為

博組繪以為工淪胥陷溺本心日喪非學也聞者感發官

終秘書丞時人稱房山先生統志

唐介字子方江陵人父拱卒漳州州人知其貧合錢以贖介
年尚幼謝不取擢第為武陵尉調平江令皆有德政入為
監察御史裏行轉殿中侍御史抗言不避屢遭貶斥梅堯
臣李師中皆賦詩激美由是直聲動天下士大夫稱真節

史必曰唐子方而不敢名邑人祠之號四賢祠四賢者三閻屈大夫馬伏波岳武穆介為四也宋史參舊志

劉翹卿崇安人嘉祐中進士調武陵尉值湖右旱飢人相食翹卿以郡委檢視因乞減賦稅發常平以賑濟民賴全活

統志

張瑄字子律寧州真寧人以郊祀恩入官調贛州會昌主簿又調常德府武陵縣丞政事益明習攝縣及府從事者凡再閱歲紹興中武陵大水犯縣城不沒者三版門不得開水且入城踰時方攝縣亟命實土於布囊以實門俄而水定乃設方畧募舟救民且親載粟戶給之泥行露宿無所

常德府志

卷三

政畧知縣

二

憚蠲豁賦輸一切必以實吏不得一搖手民忘其災縣三閻港灌溉甚廣夙弗治遇旱數枯瑄為築之訖事更治他陂無遺利迄今賴焉陸游朝奉大夫張公墓銘

明

燕喜德化人永樂中由鄉舉知武陵馭吏嚴而撫民寬擢大

僕寺丞楚紀

潘旭景泰間知武陵奉身儉約為政簡易民賴以蘇陞大常

寺丞舊志

徐必敷成化初知武陵嚴禁吏役剗弊釐奸有聲譽舊志

劉纓新淦人初知滕縣成化己亥起復補武陵蒞任六月

惠政擢監察御史

應能西安人宏治間知武陵敏達有治劇才時值初建藩府
內外京貴及撫巡俱駐節經畫能先事區處井然有條民
不知擾每村創設義圃積穀備荒民賴周恤公暇纂集縣
志成書九載秩滿百姓詣闕奏留詔增俸二級仍管縣事
後陞蘇州府通判明統志

洪有復福建晉江人知武陵值萬歷九年清丈之舉省繁雜
賦稅歸一條鞭民生祠舊志

張澤江南桐城人嘉靖中知沅江兼署武陵時麻陽諸苗一
時竊發羽檄旁午澤徵發供億從容肆應綽有餘裕明統志

常德府志

卷五

政畧知縣

三

馬升階四川內江人知武陵輕減徭役革除加耗杜飛詭那
移之弊專祠東門外仍祀名宦舊志

熊永昌成化時武陵縣學教諭有學識教規嚴整日坐講堂
與諸生討論經史人才駸駸興起舊志

左瑛正德時武陵教諭拔諸士之尤者立社課業刻有朗溪
同人集行世

祝傑正統時武陵訓導能以身正物人服其教嘗撰時習銘
以厲士擢陞監察御史舊志

國朝

李為觀字瞻航閩汀進士康熙十七年任武陵值進勦滇

及蕩平凱旋軍供浩繁民逃吏竄困苦特甚時貝子將軍
皆駐常德以支給帑項被議復遭讒繫獄久之得白園中
作詩曰西黔茲孔道南詔正衝衢供億頻年竭芻糧苦歲
需又日簇簇歸天路勞勞罄楚杼服箱空杼柚偃息反貂
輸敢擬北山怨實傷東國瘡其志亦可哀矣得釋後羈遲
武陵書工行草賣字供食武陵人得其片楮隻字以爲寶
勞啟銑字景曾號重軒浙江嘉興人康熙二十六年知武陵
時兵燹之後民不聊生啟銑下車減丁糧勸諭耕桑增修
學舍與之更始先是吳逆未靖大兵進勦差使絡繹額
設之夫應用不足前令詳派里下出夫上站蕩平之後相

常德府志

卷三五

政畧知縣

四

沿未改豪強借以侵漁啟銑於康熙二十七年詳請革除
每歲省費數千金邑民尸祝之花猫長堤爲瀆黔孔道久
經坍塌又洪水連潰向係戎廳董理派修無法率歸中飽
民苦从之啟銑詳請修築十餘里後雖歲有增修始基之
功固矣捐建常平義倉及青陽閣大龍站等處義倉以備
凶歉故縣治逼近城垣卜遷神鼎門右故行司署改故治
爲考院凡興利除害一切累民事俱釐剔始盡武陵元氣
始復邑人至今以勞公翁公並稱續舊志
翁運標字晉公號蓼野浙江餘姚人雍正甲辰進士乾隆八
年任武陵邑衝劇號難治下車後擘畫整頓一以古法行

之初若迂遠不半年而邑中積弊以次除時時出郊外問
民疾苦以友道待士尤加意於孤寒聽訟弛鞭笞不用惟
務委曲開導邑有兄弟爭田界者親履勘坐田野中忽自
掩涕訟者驚問故曰吾初官桐柏吾兄尙在日相偕既來
武陵吾兄已不及見矣今見汝兄弟偶思吾兄耳語未終
訟者叩頭慟哭交以產相讓有子竊人金指爲父所得者
拘其父至往復鞠詰終不加以刑人以爲言曰吾非愛此
第以子證父脫有誣則天性之恩絕矣姑俟之後廉得其
實果夜爲他人攫其金去而子誤以爲父也人始服其明
康鄧二姓者環居湖壩多荒地屢相爭鬪殺數十年獄不

常德府志

卷三五

政畧知縣

五

解一日至其地集二姓曉譬再三不伏會大雨公案設雨
中二姓請少避曰汝輩爲一塊土世世罹重法不顧予尙
何愛此身不爲動二姓乃連叩頭曰唯命乃爲親畫界揖
二姓咸頓首謝是時觀者以萬計歡呼聲震地自是各守
所畫界後聞其卒於永也皆聚哭爲醵金助其喪邑東長
樂村沿江亘長隄舊築石爲櫃以禦衝年久櫃傾墜邑人
患之德山石塔明華亭董其昌督學時所議建亦就頽剝
邑尙未有書院學者肄業無所每課士儻寺觀爲講席於
是大集邑之高賢富人疇咨興創共輸金錢以勸事不數
月而三大功次第成人稱其隄曰翁公隄塔曰翁公塔書

院曰翁公書院 云歲甲子十月不雨至明年四月田皆龜
折無播種者 自撰文露禱邑西北有龍門洞前官嘗禱雨
其處越八十里 草笠芒屨炷香步拜至其地洞邃而口狹
運標繩而下以 餅貯水步行蹣跚歸就北郊之演武場設
壇日跪烈日中 面黧黑無人色膝為皸痕觀者哀籲請歸
堅不肯凡七日 大雨遠近霑足歲大熟邑人繪龍門禱雨
圖系之詩歌紀 其事治武陵五年督撫稔其賢交章薦擢
道州知州去之 日自縣治至登舟所衝巷填塞輿不得前
徒步十餘里牽 衣泣者跪持足慟者相續於道送舟如蟻
喧闐至境外不 絕蓋邑中從來所未見也

武陵朱景英夢野先生傳 陳

常德府志

卷三十五

政畧知縣

六

長鎮翁夢野野尋親詩註夢野尋親夢神告曰必得生還後果有鄭海生海還兄弟告以墓所即當年水濱收葬人也又曰夢野父於祈陽舟中夜是失所在同舟人以遺笥歸後得葬處真偽無以辨鄭存遺鑰匙馳歸合之不爽毫髮以葬時頗如禮遂不遷葬

沈華蘇州吳縣人 乾隆十二年知武陵雅重學校政不擾民

邑紳呈請入祀 名宦 增輯全上

李際隆汀州歸化 進士乾隆十三年知武陵口吃而明達有折獄才發奸摘伏吏莫能欺同郡守雷暢倡建朗江書院延致邑人捐助 師生束修膏火之費至今守其遺規 增

王粵麟嘉應興寧 舉人乾隆二十年知武陵以文章飭吏治興修考院至今 賴之 增

尹德裕貴州修文進士乾隆二十二年知武陵政簡而廉倡
建鼎文閣整飭書院嘗謂安民莫先弭盜向來沿河頗多
水賊偶駐牛鼻灘訪知其由因於近河村坊設良匪二簿
傳諭保正比戶稽查分別良匪填注賊遂屏息武陵志稿
王永芳順天寶坻進士乾隆三十一年知武陵時值沅水衝
壞城垣及隄障民居漂沒無數極力拯救詳請修塞日諱
災以困民吾不忍也半邊街瀕江一帶水勢尤急此處一
決奔迅之流直繞城背梁山以南數村田廬率成巨浸前
此屢築屢決永芳募捐甃石欄許首事自行經理兼獎勵
之閱歲告成至今鞏固全上

常德府志

卷三十五

政畧知縣

七

張繼辛東湖舉人乾隆三十七年知武陵政有綱紀吏畏民
懷嚴緝盜賊每夜出密訪時近水州縣皆有賊案而武陵
獨無上官嘉之民詞必按期審結常云小民拖累之苦甚
於冤抑興復漏澤園凡道路及水死者給與棺木擇者民
主其事至今賴之以 特陞去士民餞送者幾千人全上

楊鵬翔字海亭三原舉人乾隆五十七年任武陵政尚寬平
務以德化嘗以不逮養其親為憾於署內建永思堂奉二
親遺像祀焉邑人頌之有永思圖詩刻郡志殘缺奉總督
畢檄捐俸禮延紳士採集邑中文獻公暇即與核論可否
屬草已成因三縣事跡不具未發刊解任去尤拳拳致意

云增

王原洙江南句容人雍正六年任武陵縣丞督修隄障每單騎減從裹糧徑往舊有興工完工各陋規皆私派民間到任即嚴行禁革然胥役積弊莫能除也原洙乃刊誓辭遍諭鄉村不受粒米文錢之供觀者為感泣初歲修舊例武陵堤塍分委經歷司獄典史縣丞暨兩學職六員原洙到任即委修姚家障立照田分堤法革除收土方積弊俱有成效七年准縣丞專管堤防九年各堤修固因詳請著為定例雍正十年詳請承充堤總長法以母憂去督撫奏請留楚補用乾隆三年復任武陵六年請定歲修日期及種

常德府志

卷三十五

政畧知縣

八

樹護堤法時已丁父艱將解任矣至今堤塍鞏固一循其

例未之有改云

隄防考畧

王楠字頤中麻城舉人康熙四十四年任武陵教諭清潔不名一錢惟日與諸生論學既去門人思之為立王頤中先生講易處碑於學齋

志稿湖南北分闡事始於武陵諸生稟請由王楠詳達子孫遂寓沅江不

敢歸里云

張正笏字書思號筆石湘鄉舉人乾隆三十九年補武陵教諭郡守柴楨聘主朗江書院修建明倫堂及泮池石欄誘進生徒日論文不倦修脯之厚薄不計也年八十四屢乞休卒於署武陵諸生三百餘人皆執紼出涕云著有經學

備纂說書此金門人多宗王之

桃源縣

宋

魏廷式字君憲大名宗城人太平興國五年中第釋褐朗州

法曹掾轉運使李惟清以其吏材奏知桃源縣宋史

簡正理字西碧新喻人初為御史左遷知桃源縣持身廉介

人服其清舊志

錢景持建父間知桃源縣時鍾相犯城景持奮力與戰遂被

害事平予郵贈姓譜

姚孳字舜徒慈谿人令桃源鄉有虎害孳為文禱諸社越三

常德府志

卷三十五

政畧知縣

九

日虎仆祠傍奏課為天下第一部使者舉孳治行優異姓譜

薛弼字直老永嘉人政和間進士初教授杭州 改湖南運

判除岳飛參謀定計取楊么補知桃源縣方么習水戰樓

船十餘官軍不能近弼建議伐君山之木為筏塞港以腐

木亂草淨上流而下舟礙難行彼可擒也飛從其言刻日

而賊平宋史列傳弼再知桃源劇盜伍俊既招安復謀叛弼誘俊許以靖州俊喜至則斬以徇

明

徐天驥平涼人洪武五年任桃源草昧初開首建學宮卒於

官遂家於此縣志

雲南大理府舉人初知沅江調繁桃源政尚寬簡

遺士歷數十年民猶思之縣志

栢都建昌人宣德二年進士知桃源平易近民寬徭緩

頌其惠愛縣志

鄭延年嵩明州舉人性爽直有吏才應辦如響詳陳利弊十

五事院道擇其尤者行湖廣省著為令桃邑蒙利甚溥陞

荊州府判士民遮道送之縣志

黃鳳翔雲南衛人嘉靖丙戌進士知桃源政先德化聽訟雖

得情不事筮楚或涉倫理輒自引責民皆感悟修理學校

繕治垣署公暇輒進諸生講論士習一新時修顯陵派工

鳳翔為民代輸調宣城令民流涕送之縣志

常德府志 卷三十五

鄭天佐福清舉人萬歷四年知桃源建義烈祠創瞻依坊修

石櫃以障江水核並里甲梓行邑乘人皆悅服遷惠州同

知舊志

劉炆溫江舉人萬歷間知桃源潔己愛民簡訟獄省刑罰公

暇輒與諸生論文創建石櫃禦上流衝激新顏祠以表善

正秤法以便輸邑人德之舊志

張醇儒太倉舉人萬歷間知桃源值滇黔多事閭左騷然醇

儒加意撫卹民賴以安舊志

陳坦懷安人性平易才猷敏捷蒞任三年多所建設修葺

宮作興士類民皆稱之縣志

楊兆雷昆明人任桃源持身簡樸

陞本府同知

末陞兵備道 國初移檄起廢 堅辭不就 士論高之 縣志

張瑤上猶人正德十五年任桃源縣丞 誠心愛民 不事邊幅

嘉靖甲申大旱 躬率里老 跣足禱於日中 三日雨集 因致

病卒於壇所 昇觀歸 士民號泣 送之 祀名宦 舊志

何宗賢桂林貢生 嘉靖間任桃源縣丞 性平易 切於為民 運

餉 黔中舟破 損糧 自以俸補 不能敷 民皆樂輸 助之 陞四

川鹽運 提舉 貧不能行 遂家桃源 縣志

徐徽言昆明人任桃源縣丞 賦性平易 操守清淡 修石櫃省

勞節費 上官優勞之 縣志

常德府志

卷三五

政畧知縣

十一

陳銘山陰人 萬歷間桃源主簿 檄採兩宮皇木 愛惜民力 陞

荆府典寶 民勒碑頌之 舊志

國朝

鄭朝肅奉天鑲黃旗貢生 知桃源 土賊竊發 遇戰死之 舊志

江虬歙縣進士 知桃源 建文廟 修邑志 政績甚優 舊志

蕭裕隸籍鑲白旗 斷事明決 建啟聖宮 明倫堂 修義學 與

教諭陳式 廓會詳 桃邑學額 請照大縣例 錄二十名 續縣志

于文燦正白旗貢生 聰察有守 治民田 荒熟及米麥賦稅

皆得均平 歷任八載 捐修 陞知漢中府 增

孫鏡濟寧貢生 初任桃源 荒捐資作粥 全活甚眾

王良弼奉節舉人在桃源民間疾苦務洞悉其利弊有身在
鏡中吏行冰上之况捐廉修葺學宮督建漳江閣

屈宜伸許州進士任桃源遇疑讞聽民面訴必得其情前任
王贈華興復桃川書院宜伸增築圍牆建堂齋勸捐膏水

田地事未竣而別調

施灝寶山進士寬仁有守治獄聽民反覆申論至再三不厭

去官以虧空羈留邑人樂為輸補全上

李渝昆明舉人在任改建沅南書院中設考棚勸捐膏水田

地邑士歌頌不置全上

酈祖武天津人任桃源典史任十載緝盜安民委督鄰邑堤

常德府志

卷三五

政畧知縣

三

工以能著調補保靖縣全上

陳式廓湘潭人任桃源訓導造士有方倡修學廟及改修圍

牆泮池會詳增廣學額有造於桃

龍陽縣佐貳師儒附

六朝

陶遂起家為龍陽長素有清潔之行其妻於月下紡績買紙

筆寄之杜絕請謁計日受俸聞州郡陶氏家傳

樂藹字蔚遠南陽清陽人廣之六世孫仕南齊為征北州

參軍遷龍陽相時豫章王嶷為武陵太守雅善藹為政

園植桃李去後百姓愛之不忍翦伐因名樂令園後為驪

梁書參 騎將軍參荊州刺史梁 天監初遷御史中丞終廣州刺史

舊志

宋

呂午字伯可歙縣人嘉定四年進士知龍陽縣豪民陶守忠
殺人正其獄誅之時史彌遠雖非賢相猶置人才簿書賢
士大夫名以待用而午治縣之政亦書之 宋史

元

苗益 見前知府

明

韓瑄德州人宣德間知龍陽縣修舉廢墜政績著聞陞武昌

常德府志

卷三十五

政畧知縣

十三

知府 舊志

李泰新城人天順四年知龍陽廉慎自律聽訟不遣隸卒令
投牒者自行呼攝部使者薦其能陞本府同知 縣志

王珂遂寧進士成化間知龍陽縣以文章飾吏治士皆翕然
知學歲旱請賑萬金全活為多任九載名為監察御史歷

官南京禮部尚書 縣志

黃珂字鳴玉遂寧人成化進士知龍陽縣為政有方歲荒請
銀賑恤窮民興學校理冤滯陞南京右都御史累官工部

尚書 明史參
縣志

周泰新寧人宏治三年知龍陽治尚寬恕興賢勸農城池縣

署學校衢道百廢修舉舊志

李南臨川人宏治間知龍陽政尚簡靜先是稅糧收於解白

暴加火耗南立櫃於縣堂廡下使民自輸宿弊悉除舊志

薛炳雲南前衛舉人有才幹治尚威嚴益陽諸豪兼併龍土

者累裁抑之使不得肆舊志

喻政萬歷間進士任龍陽縣清白自厲請託無所行縣遭賊

亂後土田多蕪招撫流亡桑麻遍野邑西當孔道抵滄口

蕪沒西湖中冠蓋停驂負戴病涉倡修長堤五十餘丈公

私利之舊志

吳孩存湖口人以拔貢授龍陽令有發奸摘伏之明嘗片言

常德府志

卷三五

政畧知縣

五

折獄立就判牒修濬城池採買糧米一無所擾不屈於權

要時復詩酒自豪縣志

賀沂江西廬陵人任龍陽縣銳意均糧行日支法與民節省

民甚德之立石儀門以志去思縣志

王斌瓊山人正統間任龍陽縣丞存心愛民嘗修圍堤不辭

勞瘁務為堅厚民田永賴邑人歌頌不替縣志

青文勝字質夫夔州人洪武初為龍陽典史龍地瀕洞庭歲

罹水患逋賦數十萬敵朴死者相踵文勝慨然詣關上

為民請命再上皆不報嘆曰何面目歸見父老復具疏

登聞鼓以進遂自經於鼓下太祖憐之為免龍陽

萬四千餘石邑人建祠祀之妻子貧不能歸養以
百畝萬歷十四年詔有司春秋致祭名其祠曰惠烈明史

按疏稿久散軼不傳惟疏內有月明五夜愁天旱雨落
三朝怕水淹又云地有半年不見天人半年不見地
又曰三歲兩無收數語傳誦不朽

吳懋章魏迪熙吳錢塘人為龍陽丞魏汀州人為縣尉崇正
十六年冬獻賊將破邑吳魏誓死謀守禦及賊逼不屈掠
其藏無有乃縛至龍潭橋並刃之舊志

嚴逢律身端謹任龍陽學邑知名士多出其門上春官遭疾
卒於途縣志

常德府志

卷三十五

政畧知縣

夫

歐陽超嘉靖間任龍陽教諭有學行振興文教改建學宮門

壘文峯三由是科目日盛邑人立石紀之縣志

劉孔暉字默菴邵陽人天啟舉人以崇正丁丑乞龍陽諭砥

勵名節却諸生贄捐給貧士膏火建修學宮明倫堂著有

滄浪集閱五載陞新鄭令以孤城抗闖騎及陷猶巷戰尋

罵賊死恤贈尚寶鄉祀名宦龍陽門人貢士楊芳從暉赴

難識者謂殉節於新實自講學於龍始通志劉公傳公諱

暉字默菴本廬陵人其先遊楚之邵因家焉年十為

公元宰所知辛酉舉於鄉父體羸不離醫藥公千

凡四十年兄養痾山館公與同起居凡三逾月
閉戶飲泣人不忍聞以親老就龍陽教諭著
辰擢知新鄭縣時中州為賊蹂躪令皆皆
國家養士恩禮不薄何至緩急不可恃乎

急則委城以去讀聖賢書所爲何事吾志決矣時歲屢旱民僅存子遺城郭日圯公爲極意撫循民皆德之曰古之遺愛也于是新開城門備火器設團練倡義勇未幾上寇李際遇攻圍者再公擒斬渠魁二十三人闖賊率輕騎數百逼城索印公率衆禦之次日復益數千騎繞城呼降公大聲罵賊至午賊益萬餘以雲梯登城公巡南城爲賊所傷墮城且死百姓救之乃甦時賊亦去公曰復至則不可支矣誓一死以守封疆壬午春正月賊果大至公諭鄭士民曰此吾致命之日也急遣書報父曰父不得盡孝之子得盡忠之子亦可快然於心城陷巷戰不克廿二日被賊執至朱仙鎮賊欲屈之公大叱曰我朝廷命官肯爲汝屈膝邪大罵逆賊不絕遂遇害年五十三學者稱爲高霞先生門人龍陽貢生楊芳義民鍾寬僕劉登劉庭劉儀楊時並從公殉難楚撫何沅撫李觀察郭允六庠之請建專祠於里

國朝

郭連城福建舉人有學術任龍兩載誠慎自矢歲早步拜禱

常德府志

卷三十五

政畧知縣

七

兩晝夜焚香告天大雨隨至康熙甲寅吳逆陷城計全印無所之幾撞首死扶免義拒爲賊稱一時砥柱云

鍾靈秀粵東拔貢由教職任龍陽初至不諳堂規吏誚以迂濶首揭戶吏徵稅之弊皆悚慄稱明催科喚訊創用木皂吏按程計限無違時日者公暇輒課士於明倫堂辨論文藝縣試首拔張生謁見具歷卷陋規銀八十兩揮却之陋例洗除殆盡時巡撫趙申喬至苗疆過龍邑微詞訊之不爲動經邑西宣壁舖廉知其政嘆曰此賢能吏也隨卽調理郡事後委署寧鄉抵寧三里家訃至此而不進吏請到任當獲規禮銀可資歸費靈秀泣曰焉有匿親之

以圖利者即馳歸時趙已首薦靈秀在任無幕友凡詳批俱出手裁文字雅潔人寶藏之全上

周大樟江南桐城進士任龍陽以文學飭吏治邑人慕之

譚芩江西南豐人由孝廉任龍陽縣嚴正有守剔弊釐奸泄

任七載盜賊屏息囹圄一空增輯下全

徐起晟紹興人任龍陽有才幹喜接見紳士賄賂不行時用

師苗疆南北之兵來往如織委辦船差調撥有序數年人

樂趨赴

葉元祺浙江金華舉人為政平易以清慎自矢顏其堂曰屏

四捐俸修理書院欲設辦膏火為經从計調陞未果

常德府志

卷三十五

政畧知縣

六

何夢枚福建侯官舉人任龍陽時軍務旁午差徭不以累民

歲餘以憂去宦橐蕭然

陳國瑞廣東保昌人任龍陽倡建奎星樓文昌閣於學校多

所培植

張拱極山西人署龍陽訊期一出不易日不可示民不信神

於斷獄洞悉吏胥悍蠹人人悚息邑王某欠官穀其子將

鬻妻以償即為捐貲代納賸則向者民詢邑中利病調敏

瀏陽攀轅泣送者盈路

趙嘉程號純齋籍漢軍任龍陽治獄明決民謂無枉征苗

軍需旁午畧不累民邑人樂助之創修圍堤大洞

抵寧三里家訃至止而不進吏請上任可獲規禮銀數百金以資歸費靈秀泣曰焉有匪親之喪而忍以圖利者乎卽馳歸治縣無幕友凡讞斷詳批俱出手裁詞義切當字畫亦雅雅迄今猶有寶而藏之者全上

周大璋江西南豐人由孝廉任龍陽縣嚴正有守剔弊釐奸蒞一七載盜賊屏息囹圄一空增輯

徐起辰紹興人有材幹善書法喜接見紳士賄賂不行時用帥苗疆南北之兵來往如織委辦船差資給工食調撥有序數年人樂趨赴

常德府志

卷三十五

縣

文

王維新浙江山陰人年未二十效勞工部差修長城工竣以吏選任龍陽清潔自愛民事務得其情不事武斷以丁艱去

葉元棋浙江金華舉人爲政平易以清慎自矢甫下車顏其堂曰屏四捐俸修理書院謀諸紳士欲設辦營火爲經久後以調陞未果

何建侯官人由孝廉出身清察明敏時軍務旁午寧不累民歲餘以憂去任宦橐蕭然士民頌之

陳國瑞廣東保昌人有學識優禮紳士倡捐建奎星樓文昌閣學校多所培植

文運古湖北江陵人由貢選授司訓有幹濟才達於治
魏守王詡令民築龍陽大圍堤堤環百二十里開導
持重以堤工委之因土程工奸猾斂手

易方拔寧鄉人龍陽教諭喜培植人材捐數百金修學兩庠
生徒特呈請入名宦

蔣邦伯寧鄉人由舉人任龍陽教諭安詳有度勤於教誨時
學宮傾圮特聚紳士牒詳拆修約費數千金不私一錢以
任滿陞知直隸深澤縣

楊茂綸湘陰人由舉人授龍陽教諭時崇聖祠猶仍舊規綸
同邑令惠人協鎮甘國寶讌集士民殷實捐貲改正並移

常德府志 卷三五

政畧知縣

元

修明倫堂雲路等門工竣以憂去

翁煥湘潭人以舉人補龍陽教諭靜簡有度寡言笑審取與
歷任十餘載捐修學署培植官牆後陞寶慶教授

沅江縣

宋

唐介字子方江陵人由武陵尉遷沅令建子民堂遺跡猶存
復擢御史論文彥博坐貶後以彥博薦參知政事祀沅江

名宦 統志亦見武陵

王延禧由進士知沅江縣事清介惠慈政績爲一時賢令之

首 統志

明

范珏南充人成化間知沅江七載勞心撫字為政簡而民安

祀名宦

統志

狄雲漢太倉人成化間任沅江縣邑俗樸野雲漢尚寬靜民愛信之巡撫嘗按部至無一人訟者嘆其德化而去秩滿

行橐蕭然

統志

張鉞平度人嘉靖中知沅江縣性剛直甘清苦時世宗南幸官吏徵求無厭巡撫檄鉞辦理鉞稱夫馬有數不得過索人呼鉞漢子去官之日食筋破釜驗給還民其廉如此

劉瓚無為州貢生隆慶三年知沅江縣設保甲賑飢荒行支

常德府志

卷三十五

政畧知縣

三

日法赴部起用

舊志

漆文昌新昌舉人萬歷元年任政惠民安有遺愛碑後調應城陞雲南道

胡汝煥南昌舉人任沅江教諭講道正俗入名宦祠

蕭茂內江人任沅江訓導署縣篆時方用兵力請減運夫民

被其惠

舊志

國朝

張時江南青浦拔貢順治八年知沅江縣獎進邑士減糧耗

均徭役賑凶飢民立石頌之

舊志

成明瑞河南萊城拔貢順治十六年知沅江給民牛種墾田

五百七十餘畝招撫流亡增丁二百七十餘戶中復

無徵魚課九十四兩興修學宮 創建城隍廟舊志

顧智字後菴丹徒舉人康熙二十四年由宜興教諭陞任

沅七載愛民禮士省夫役革稞 耗弛小河之禁以利與民

沅城多茅屋命民易以竹木俾 免火災時司農下積穀之

令智設立公簿委學博鄒世美 走鄉里轉募得若干石建

倉貯之克稱其職纂修縣志 脫藁以行取入京授科員沅

人爲立永思碑舊志

朱永輝字潤生泰州人康熙三十年知沅江縣首建義學及

縣東水府廟續輯縣志刻楊忠 愍文集政聲茂著邑上瓊

常德府志 卷三十五 政畧 知縣 三

橋久圯甫下車見病涉者卽有 志修築旋署武陵名武陵

蕭叟買巨石千餘運置橋側以 屢署劇邑未起工逮告病

解任始竭資典裘成之無呼吸 之權衆庶之助人以爲

沈元會浙江舉人知沅江雍正四 年署桃源縣事舊例不

糧米多寡定額一戶一丁米少 丁多民困特甚元會請

米攤丁各得其平祀名宦舊志

張大燭貴州安化舉人在沅江民 行遇不輕加以刑

築各堤培民業其惠

曾昌齡寧都進士任沅江以

及育嬰堂修上下

吳世賢字古心江蘇泰賢進士

除弊後調武陵

秦人藩湖北黃安舉人任沅江

府通判

范成龍字乘六遼東開原人隸

法革耗羨一以愛養為務賑

碑

車瑞臨淄人康熙二十四年任沅江典史修上瓊橋捐資

樹雇匠修造毫不派民後丁艱去

姜統岷字禹導胙城吏員康熙二十六年任沅江典史居心

常德府志

卷三五

政畧知縣

三

廉潔處事安詳新建衙舍民無擾累

李家慶湖北漢陽歲貢康熙三十二年任沅學植品端潔工

詩古修葺學宮纂輯邑志士林誦之

田宏紀澧州永定恩貢乾隆四十四年任沅學守正不阿學

綱整肅

徐標瀏陽歲貢乾隆五十三年任沅學著有學庸書易禮講

諸書士興於學全上

武畧

以下駐劄武職

後唐

沈如常唐同光元年任東南第七副將在秣砌臨江石

在府城西南百步下在府東南一里皆壘石江濱修砌堅固捍禦水勢保障城隍至今賴焉舊志

宋

潘美字仲洵大名人少儻從太祖征伐屢建奇功湖南溪獠自唐以來不時侵掠美窮其巢穴誅殺撫慰彝落遂定開寶三年征嶺南詔以為行營都部署朗州團練使進克富州累官節度使同平章事宋史

劉摯字莘老東平人兒時父課以書朝夕不少間十歲而孤鞠於外氏就學東平因家焉嘉祐中擢甲科歷各州令以俗化凋敝民不堪命為念得韓琦諸公薦用累官學士復

常德府志

卷三十五

武畧

三

以疏奏正直遭斥元祐四年陷邢恕之謗貶鼎州團練副使嘗語諸子曰上用章惇吾且得罪死無所恨但慮意在報復遷怒於民法令益峻耳憂形於色卒諡忠肅宋史邵宏淵大名人寓居武陵高宗時鍾相作亂於湖湘宏淵將兵擒其渠魁因授鼎澧統領楊么犯州宏淵擊敗之韓世忠薦授閣門舍人官至定遠軍節度總志

元

李恒字德卿其先姓于彌氏唐末賜姓李至元十二年恒傳檄辰沅靖澧常德諸州羈皆下未幾徙鎮常德以扼湖南之衝常德羈飢賑之獵戶之籍於官者奏請留千戶餘悉

放散之舊志

薛以禮監利人延祐二年為龍陽督戎總管有惠政民愛之如父母元末死難遂籍邑之長樂里元孫俊成進士龍陽縣志

胡汝洪武初充總制守常德閑於將畧善保障陳友諒初平

汝設謀招撫七十路頭目並友諒散軍一千人捍禦城池

一方安堵陞指揮副使鈐轄衛所汝修葺城垣至今稱之

孫德洪武初任指揮僉事修武備重學校嘗建府學前南薰

樓常德城址卑陋德拓舊基甃以磚石覆以申樓作六門

浚濠池城制始備上俱舊志

常德府志

卷三五

武畧

五

夏鑑洪武時衛指揮累陞右參將分守廣西潯州驍勇有謀

膂力過人能挽弓三百斤射數百步外羣苗畏愛之立祠

以祀

吳俊景泰時湖廣苗兵大亂黎靖一帶俱被侵佔俊奉命征

勦銅鼓五戰連破四十九寨餘黨悉平授常德衛指揮同

知世襲舊志

陳寬成化時衛指揮征勦播洞諸蠻威名遠播陞都指揮充

廣西叅將

朱璣成化時所百戶從征靖廣等處屢建奇功羅致餘黨悉

皆納欵建議築堡保障邊民累遷指揮同知俱全

輔衛指揮

正德元年春三月鎮溪

黃吉等作亂捕率武岡守備王翰破賊於綏寧山箐間十
之二年修砌本壘江岸城墉陞都指揮僉事都司掌印

國朝

鄒卓明吉水元標孫順治初以廕授都閩從經畧洪承疇收

楚南多所贊畫吳逆叛奉綏遠將軍蔡毓榮檄分勦滇黔

事平 題授懷遠將軍領招撫兵駐常德卓明爲人有機

畧敦行誼於亂離中捐資贖俘掠子女還其家晚歲怡情

山水吟咏自適人多稱之年八十餘卒姪繇球弱冠穎異

以已產資之讀書登壬戌進士子孫居武陵龍陽

舊志

常德府志

卷三五

武畧

三五

戴朝幹休寧人任洞庭協副將工詩古輯兵寧民

舊志

王允吉安岳人任洞庭協副將精騎射每巡湖躬督汛兵緝

捕賊匪旋合圍於赤山搜除虎穴康熙五十六年旱荒

米價騰貴允吉請於總督借司帑撥戰船往荆之沙市買

川米給兵食餘以散賣民間時米商附營船來者不下數

十艘糶遂平陞川北鎮

舊志

甘國寶古田人任洞庭協副將以善畫名軍民俱被其惠

張靖保定武進士順治十四年任常德衛守備徵餉革除耗

累民樂輸將勸諭屯丁開墾田畝丈量釐剔隱漏旋滇

兵船隻夫馬應給無違修砌石櫃及築花貓堤烏雞

百餘丈建衙署修城樓俱出已資不擾取屯民舊志

徐治都字宇平藩陽人原任彝陵鎮總兵康熙十八年改鎮為提標陞治都為提督領兵進討四川逆犯鄭蛟麟十九年奏捷班師移駐荊州二十四年題請標兵宜駐要地乃始移劄常德時武昌流賊夏包子肆行抄掠將南犯岳澧治都邀擊於夏口破之未旋桃源流賊萬人傑肆掠夫人孔氏親統兵勦平事聞授治都鎮平將軍孔氏授一品夫人人食提督俸治都涖任十八年嫻於韜畧振飭營伍勤勞甚著卒於官穉人立祠以祀武陵志

常德府志

卷三五

武畧

三

劫掠

聖祖仁皇帝以益謨知兵康熙四十二年由大同鎮總兵授湖廣提督信賞必罰令行禁止奏准武職親丁須合養贍有資遂得給與名糧同督撫征勦紅苗益謨預偵紅苗以天星寨為巢穴上廣下狹斷崖峭壁高逾千尋山趾尚有級可拾及頂數百丈必自寨上引以葛梯方可躋其上約屯萬人前鋒欲疾馳邀功益謨固持不可苗有乞降者督撫概給銀牌花紅益謨獨不給督撫疑益謨紕於物力使人資助金幣益謨曰此輩向者旋撫旋叛今大兵抵寨遽行施恩彼但知有羶可逐反不知有恩可感諸公以恩懷某以

馭正相濟爲用也於是遣副將由崇山衛直逼龍
堡控賊肩背而自馳據地良坡扼賊腹心更撥重兵守後
山等口以防其下奔大營當中以大礮擊之苗穿土穴爲
蔽屋破塵飛猶不爲動寨西爲小天星寨懸崖陡澗可窺
大寨山搖谷震苗始窮蹙歸命共降三百八洞在常德建
提署修教場興義學旌旗壁壘爲之一新羗人立祠以祀
額倫特輝紅旂人康熙四十五年任荊州副都統四十九年
遷湖廣提督五十二年陞湖廣總督靜鎮寬大威德兼施
凡所興舉兵民利賴祀名宦

志

齊次勇直隸昌黎人雍正庚戌一甲武進士乾隆四年授湖

常德府志

卷三十五

武畧

七

廣提督十六年調甘肅固原提督二十三年復任二十四
年解任智勇兼全雅好經術暇則延羗人士與論學儀度
嫻雅有古名將風

李勳貴州鎮遠人由行伍出身乾隆二十五年授湖廣提督
時武陵紳士以前營箭道在縣學後每操演震驚不寧欲
收建之歷久未果勳始蒞任聞之慨然曰文武兵民皆被
聖人教也豈武官獨不敬聖人遂立飭前營將官移建於
後營舊基將原箭道歸諸學二十六年常德大水米價昂
貴武陵知縣糶常平倉穀擁擠署內不能賣民情洶洶勳
令分四處設局給粟投倉按日發穀終事無譁二十九年

調雲南提督統兵征勦緬甸卒於干江寺中事聞贈太子少保廕其子湖廣兵民每為設奠遙祭

李國柱直隸天津人任湖廣提督乾隆三十一年半邊街堤決居民多遭漂沒水府廟堤復欲決柱親為擔土壅水官民從之得不潰因條析情形具奏奉

旨發帑賑濟修各處堤院事竣以武懷知縣王永芳拯救勤勞保陞知府三十三年調貴州提督三十六年復任湖廣提督五年

俞金鰲直隸天津人壬戌科武進士第一乾隆四十九年調

常德府志

卷三十五

武邑

三

湖廣提督五十年抵任五十二年調兼提督時正督勦鎮算鎮苗匪事竣卸印接奉

旨俞金鰲於楚省苗地情形素所諳悉仍留湖廣提督之任為人揮霍有才在湖廣九年訓練拊循寬嚴兼濟遇地方紛擾事善調劑之兵民俱仰其德

全

劉景雲鑲黃旗人雍正六年任提標後營遊擊與右營遊擊韋國英統兵協勦貴州九股苗奮勇爭先不避矢石殺獲甚多提督岑元生極獎其勇後歷陞永順協副將

韋國英江南人雍正八年任提標右營遊擊從征貴州九股苗屢有戰功乾隆五年復統兵征城步苗蒙賢一等

一檢獲自逆功

王世傑山東掖縣人武進士乾隆二年任常德營遊擊嚴緝盜匪拊循士卒兵民倚重

楊有鳳陝西人武進士任常德營守備職守勤謹陞永順協都司乾隆三十八年從征金川以功陞提標右營遊擊後以奮勇歿於陣世襲雲騎尉俱同上

常德府志

卷三十五

武畧

